

¶ Est aduertendum, q̄ auctoritas concessa fratribus mendicantibus à suis superioribus vtendi priuilegijs & alijs facultatibus non spirat, neq; extinguitur per mortem cōcedentium. Quia vt dicit Siluester verbo, Gratia, & verbo, Indulgentia. §. 5. parti. 7. Gratia concessa auctoritate Pape durat mortuo Papa, & mortuo prelato, eam concedente vel à suo officio amoto. Idem habet Panor. c. Cū ad hoc de Cler. non resi. nu. 9. Ratio est, quia præfati prælati non commitunt dictam potestatem sed Papa: quia auctoritate eius commitunt. Dicit enim Panor. cap. Cum in iure de officio de lega. n. 2. Not. 3. q̄ quando delegatus Papæ præcepit aliquid, præcepit illud auctoritate Pape. Ex quo habes q̄ si prouincialis tibi commiserit vel commissit particulariter & expresse, auctoritatem breuis Clemē. 7. vel Adriani. 6. vel aliorum priuilegiorū quod non est opus ab alio prouinciali petere prædictam auctoritatem: dato quod q̄ tibi commissit talem auctoritatem mortuus fuerit, vel eius officium finierit: quia tu habes illud priuilegium, non auctoritate eius, sed Papæ, qui concessit ei, vt tibi committere possit.

¶ At vero non ex hoc inferas q̄ prouincia-